



Pou Piblikasyon Imedya: 16/06/2020

GOUVÈNÈ ANDREW M. CUOMO

GOUVÈNÈ CUOMO AK PREZIDAN GWOUP TRAVAY SOU MATÈNITE POU COVID-19 LA, MELISSA DEROSA, ANONSE PLIS AKSÈ NAN SANT AKOUCHMAN KI ANBA DIREKSYON FANM SAJ YO PANDAN PANDEMI COVID-19 LA

DOH apwouve de novo sant akouchman tanporè nan Brooklyn Birthing Center ak Refuah Health Center - Rezulta pwosesis senplifye pou etabli sant akouchman anplis

Kòm rezulta rekòmandasyon yo, DOH pral aksepte aplikasyon pou Sant Akouchman Fanm Saj yo ka jwenn rekonesans kòm sant swen sante daprè Atik 28 la

Gouvènè Andrew M. Cuomo ak Gwoup Travay sou Matènite pou Covid-19 nan Eta New York, ke Sekretè Melissa DeRosa ap prezide, te anonsé jodi a ke Gouvènè a te mande Depatman Sante (Department of Health, DOH) Eta a pou otorize sant akouchman ki anba direksyon fanm saj yo nan New York pou premye fwa.

Direktiv sa a pou divèsifye opsyon sit nesans yo ak sipòte chwa pasyan yo se te youn nan rekòmandasyon kle Gwoup Travay sou Matènite pou COVID-19 la ki te lanse nan mwa avril anba direksyon Gouvènè Cuomo. Direktiv Gouvènè pral bay manman ki ansent yo plis opsyon pou akouchman.

DOH ap aksepte kounye a aplikasyon pou Sètifikasi Nesesite (Certificate Of Need, CON) pou sant akouchman fanm saj yo dapre Atik 28 Lwa sou Sante Piblik la.

"COVID-19 la te pote yon estrès ak anksyete san parèy nan lavi fiti paran ki ansent yo kote gwosè yo te deranje akòz ensètitid virus sa a", **Gouvènè Cuomo te deklare.** "Gwoup Travay sou Matènite nou an kont kowonaviris la te travay byen vit pou mete ansanm yon seri rekòmandasyon pou ede manman ki ansent yo pandan moman estrès sa a, epi New York ap travay pou egzekite mezi sa yo pou manman ki ansent yo ka gen aksè ak plizyè kalite opsyon sit nesans ki satisfè bezwen espesifik yo."

"Sistèm swen sante New York la te entansifye pou bay swen dijans san parèy pandan pandemi COVID-19 la ak pou asire paran ki ansent yo gen aksè ak opsyon pou sant swen sante bon kalite lè y ap akouche", **Melissa DeRosa, Sekretè Gouvènè a ak Prezidan Gwoup Travay sou matènite pou COVID-19 nan Eta New York, te deklare.** "Nan ajoute sant akouchman ki anba direksyon fanm saj yo anba siveyans depatman sante eta a, nou rekonèt wòl enpòtan yo kòm opsyon akouchman san danje ak sen epi nou kontinye elaji chwa pasyan an pou manman ki ansent yo."

Lè Gwoup Travay la te rankontre vityèlman nan mwa avril la nan somè kriz COVID-19 la, manm li yo te rekòmande pou Gouvènè Cuomo pibliye yon Dekrè Egzekitif pou otorize etablisman sit adisyonèl pou gwo ogmantasyon pou nesans ke lopital ak sant akouchman ki gen lisans yo ki aktyèlman etabli yo ap jere pou ede fasilité presyon lopital yo k ap pran swen pasyan COVID-19 epi ogmante opsyon akouchman yo.

Rekonèt sèvis famm saj yo esansyèl pou atenn objektif sa a, Gwoup Travay la rekòmande tou pou DOH bouje pou akselere, nan pwochen 45 jou yo, finalizasyon pwosesis lisans lan pou etablisman sant akouchman ki anba direksyon famm saj yo nan Eta New York pou asire gen ase etablisman ki disponib pou reponn ak bezwen kominote a pandan sitiayson ijans yo.

Gwoup Travay la te rekòmande tou pou yo mande Depatman Sante (Department of Health, DOH) Eta New York la pou li devlope yon pwosesis senplifye pou aksepte aplikasyon ki soti nan sant swen sante ki gen lisans, tankou sant sante kominotè ak sant sante kalifye nan nivo federal, pou transfòme espas ki pa sèvi nan sant yo pou tounen espas akouchman espesyal pandan yon ijans.

Atravè pwosesis senplifye sa a, Depatman Sante Eta New York la te apwouve de nouvo sant akouchman tanporè, Brooklyn Birthing Center nan Brooklyn, NY ak Refuah Health Center nan Valhalla, NY konfòmeman ak rekòmandasyon Gwoup Travay sou Matènité pou COVID-19 la.

Brooklyn Birthing Center a, yon sant dyagnostik ak tretman sètifye ki sitiye nan Brooklyn NY, te mande ak jwenn apwobasyon dijans nan men gwoop travay sou matènité pou COVID-19 la pou ouvri yon ekstansyon sant yo a ki egziste a, Brooklyn Birthing Center d/b/a Jazz Birthing Center nan Manhattan. Dezyèm sit sa a pral gen senk sal akouchman epi pral fonksyone sou yon baz tanporè pandan ijans sante publik COVID-19 la.

Refuah Health Center a se yon sant dyagnostik ak tretman ki gen lisans dapre Atik 28 la epi li se yon sant sante ki kalifye nan nivo federal ki sitiye nan Spring Valley, NY. Refuah te mande ak jwenn apwobasyon dijans pou ajoute yon sant akouchman ki gen kat kabann nan espas ki kole ak sit prensipal li a. Refuah Health Center pral aksepte pasyan matènité ki sòti nan Westchester Medical Center nan Valhalla ak nan Good Samaritan Hospital nan Suffern. Sant akouchman an tanporè epi pral fonksyone sèlman pandan ijans sante publik COVID-19 la.

Nan kad Dekrè Egzekitif 202, demann sa yo konsidere apwobasyon dijans nesesè pou bay sèvis pandan ijans sante publik COVID-19 la. Si sit la kontinye fonksyone sou yon baz pèmanan, yon CON ap obligatwa.

Konsènan Pwosesis Sètifikasi Nesesite a

Pwosesis Sètifikasi Nesesite New York la règlemente etablisman, konstriksyon, renovasyon ak gwo akizisyon ekipman medikal sant swen sante yo tankou lopital, mezon retrèt, ajans swen adomisil ak sant dyagnostik ak tretman yo. Objektif pwosesis CON lan se pou ankouraje bay swen sante ki bon kalite epi asire sèvis yo alien ak nesesite kominote a. CON bay siveyans Depatman Sante pou limite envestisman nan

kabann, sèvis ak ekipman medikal an doub ki, an retou, limite depans ki asosye ak swen sante yo.

Tankou lòt sant swen sante yo, MBC yo dwe satisfè egzijans ak nòm espesifik pwogram lan. Depatman an te kreye yon dokiman pou direktiv sou soumisyon CON ki espesifik pou MBC pou ede novo aplikan yo ke n ap jwenn sou [paj wèb CON lan](#).

Enfòmasyon sou Gwoup Travay Matènité COVID-19 Eta New York la

Nan mwa avril 2018, Gouvènè Andrew M. Cuomo te anonsé yon inisyativ ki gen plizyè fasèt pou konbat mòtalite matènèl ak rezulta diferans rasyal nan Eta New York. Kontinye angajman Eta New York pou amelyore rezulta matènèl ak timoun epi rekonèt presyon enpòtan pandemi COVID-19 la mete sou enfrastrikti lopital la ak enkyetid anpil moun ki ansent nan Eta New York, Gouvènè Cuomo te mande Konsèy Eta New York sou Fanm ak Tifi (New York State Council on Women and Girls), avèk sipò Depatman Sante Eta New York, pou konvoke yon gwoup travay ekspè pou adrese enpak COVID-19 la sou matènité. Prezide pa Sekretè Gouvènè a, Melissa DeRosa a, Gwoup Travay la te gen responsabilite pou egzamine pi bon apwòch pou bay manman yo yon altènativ san danje, lè sa apwopriye, pou lopital ki déjà gen presyon yo nan mitan pandemi COVID-19 ki ankou a.

Konpoze de yon gwoup milti-disiplinè ki se pwofesyonèl sante matènèl ak tibebe ki soti nan tout Eta New York, Gwoup Travay la te rankontre a distans pou diskite sou pwoblèm sa yo epi pwopoze rekòmandasyon yo. Etandone ijans COVID-19 ak enpak li sou moun ki ansent yo, reyinyon Gwoup Travay la te fèt nan yon semèn pou fè yon premye seri rekòmandasyon. Anplwaye DOH yo te konpile e analize [rekòmandasyon](#) yo epi yo te pataje yo avèk manm Gwoup Travay la, ki te revize sa yo te soumèt ba yo a e yo te pran yon detèminasyon kolektif pou avanse rekòmandasyon yo.

Anvan kreyasyon Gwoup Travay la, Eta New York te franchi plizyè etap pou elaji aksè pou jwenn aksè ak swen matènèl pandan pandemi COVID-19 la, tankou:

- Elaji aksè ak telesante ak vizit pa telefòn;
- Egziye prezans yon moun pou sipò pandan tout pwoesis akouchman an ak rekiperasyon an;
- Otorize obstetrisyen-jinekològ ak fanm saj ki andeyò eta ki soti nan lòt eta yo pou yo egzèse nan New York pou amelyore kapasite ogmantasyon an; ak
- Identife sèvis sante seksyèl ak repwodiktif kòm esansyèl.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)